

三台縣志卷二十一

藝文志二

金石

舍利塔銘 〔大隋皇帝舍利塔銘〕丙寅朔八日癸酉皇帝普爲一切瀧果幽顯生靈謹於梓州城內昌縣牛頭山告奉安舍利敬造靈塔願太祖武元皇帝元明皇后獻皇后皇帝皇太子廣諸王子等口內外羣官爰及民庶六道三塗人非人等生生世世值佛開瀧永離苦因同昇妙果〔知潼川府事鐵嶺阿麟跋〕大清光緒二十六年庚子七月二十四日潼川三台縣牛頭山修築練堡掘地得此石土中字體清口文亦簡質一千三百餘年物出之一且可貴也爰命移置文廟千祿碑側願與潼郡人士共寶之

三台縣志

卷二十一

三台新民印刷公司代印

〔邑人陳錫儒隋舍利塔銘〕石碣歌并序光緒二十有六年七月二十四日吾邑牛頭山頂因增築營房掘土丈許現大平石上鐫大隋皇帝舍利塔銘起視則石碣存焉如棊盤式上鐫銘詞百字詞既簡古字亦遒勁又揭視下作方石匣匣藏琉璃瓶一中貯清水金環一銅扣二古錢數枚皆盛以銅盒盒實香屑幾滿迄今一千三百餘年而香氣猶撲鼻不散不知爲何物也因歌以紀之臨平湖中草自開金陵王氣冷如灰椒房親奴事貓鬼皇后身邊崇紛來祥妖迭見渺難測祈靈巫蠱吁可駭巫蠱果靈厭勝起急抱佛足求不死優鉢旃檀舍利光諸瑞畢歸隋天子天子膜拜虔摩挲膝以瓶匣埋山阿武元帝后皆薦福諸王太子煩搗呵仁壽宮中更前席願聞佛說無偏頗我家墓田吉與否問佛不聞佛低首陰使蕭吉漏機關二世誑作二千久六道三塗人是非皇

帝恩同地天壽亾何抵牾勇也呼圖儂有人在江都越王命盡還禮佛願生不與常人殊祇見青燐照宮掖魂飛碧血濺鼎湖此時不聞舍利飛作龍泉劍盡殺賊臣皆寸殊胡爲槁臥黃土中如秦越人不相扶直至時歷二千載掘者揮鋤何厲乃鋤開石匣現祥光環扣金錢一一在舍利成水澄瓶中旃檀撲鼻香不改韓陵片石尤足珍輜軒應向梓州采梓州舊有千祿碑魯公書法尊鼎彝誰知此更歐虞祖剛健質含斌媚姿賢哉太守日如炬佛迹荒唐概無取無大功德僅求佛佛安能使世界滄桑無遷徙吁嗟乎山荒塔廢渺禪關竹細花濃春易闌休問玉魚與金盃空聽秋蟬鳴樹間

彌勒像碑 〔金石錄〕在慧義寺唐李潮八分書潮書初不見重于當時獨杜詩盛稱之今石刻在者唯此碑與彭元曜墓誌其筆法亦不絕工

三台縣志

卷二十一

二

三台新民印刷公司代印

非韓蔡比也

彌勒院記李商隱書甘泉亭碑李潮八分書 〔碑目考〕俱在城北護聖寺水陸淨土巖北

庾信護聖寺碑 〔舊縣志〕在城西北隅護聖寺碑久廢

護聖寺鐘銘 〔碑目考〕唐大順二年節度使顧彥暉鑄有銘

送子觀音像碑 在城內護聖寺

甘泉寺誓犀碑 〔碑目考〕李邕書

慧義精舍四證堂碑道興觀碑道士胡君新井碣銘 〔碑目考〕並見李

義山集 四證堂道興觀二碑全文載寺觀

蓮花漏記 〔碑目考〕天聖中燕公肅守梓州日置自爲之記

千祿字書 在文廟尊經閣下唐顏元孫撰顏真卿書 〔金石萃編〕碑下

截斷缺凡兩面一高七尺八寸五分一高六尺九寸七分俱廣四尺七寸五分書分五層三十三行行九字正書額題顏氏千祿字書六家篆書〔原序〕史籀之興備存往制筆削所誤抑有前聞豈唯豕上加三蓋亦馬中闕五迨斯以降外謬實繁積習生常為弊滋甚元孫伯祖故秘書監貞觀中刊正經籍因錄字體數紙以示讐校楷書當代共傳號為顏氏字樣懷鉛是賴汗簡攸資時訛頓遷歲久還變後有羣書新定字樣是學士杜延業續修雖稍增加然無條貫或應出而靡載或詭眾而難依且字書源流起於上古自改篆行隸漸失本真若摠據說文便下筆多礙當去泰去甚使輕重合宜不揆庸虛久思編葺頃因閒暇方契宿心遂參校是非較量同異其有義理全僻因弗畢該點畫小虧亦無所隱勒成一卷名曰千祿字書以平上去入四聲為次□□□□□□具言

三台縣志

卷二十一

三

三台新民印刷公司代印

俗通正三體□□□□□□□□□□三體偏旁同者不復廣出謂恩口氏回白字有

相亂因而附焉謂形類是也所謂俗者例皆淺近唯籍帳文案卷契

藥方非涉雅言用亦無爽儻能改革善不可加所謂通者相承久遠可

以施表奏牋啟尺牘判狀固免詆訶若須作文言及選曹銓所謂正者

並有憑據可以施著述文章對策碑碣將為允當進士考試理宜必遵

經注本文碑書多作八分住口詢舊則有此區別其故何哉夫筮仕觀光惟人所急循名

責實有國恆規既考文辭兼詳翰墨昇沈是繫安可忽諸用捨之間尤

須折衷日以千祿義在茲乎綆短汲深誠未達於涯涘歧多路惑庶有

歸於適從如曰不然請俟來哲文繁未錄〔原跋〕柳公權對穆宗□□□□

曰心正則筆正□□□□雖公權時以筆□□□□書法理固如是□□□□

魯公筆蹟乃知公□□□言不妄魯公忠正□□功名事業列於國□□□

全德偉行英風義口口映千古學文之外口口隸書大小二體筆口口勁如服介冑如冠口口凜凜乎如誚盧杞口口希烈有不可犯之勢口其心畫所寓誠可畏而仰之往由左宦臨牧吳興暇隙書干祿字樣鐫刻於石傳示後生然石刻在刺史宅東廳院傳之維艱故世罕得善本而蜀士大夫所見惟板刻尤鮮得其真府尹龍閣宇文公比刺湖州得魯公所書與楊漢公所摹二本特爲精詳於是俾以楊蜀二本參校若顏書之刻缺者以二本補焉不可推究者闕之令通顏書之士摹勒刻石於類使學者矜式且欲所傳之廣壬戌八月既望成都句詠記「吳省欽跋」魯公書石遍天下其存蜀者僅武連道遙樓三字至南部縣離堆摩崖記已泯劍州中興碑則紹興初攝州事吳旴摹刻而費少南跋之四川新舊志不復舉其名矣干祿碑見潼川志謂公自書在州學

三台縣志

卷二十一

四

三台新民印刷公司代印

予惟歐陽公已謂干祿書真本開成中石已訛缺世所傳者乃楊漢公摹本潼安得有此亟訪之尊經閣下碑石厚尺餘穴兩旁如貫緯之制其正面則表裏刻之碑下斷一尺餘宋人跋已不完跋首言干祿碑在湖州刺史宅東廳蜀士大夫所見惟板刻鮮得其真府尹龍閣宇文公比刺湖州得公所書以下州職官志宇文氏三人昌齡雙流進士時中成都進士峒成都人修治學校四川科第志無時中名惟費著氏族譜言宇文氏凡六院其自廣都院者閣中粹中虛中迭登第時中賜進士第後以直龍圖閣知潼川卽是跋所云府尹龍閣者矣虛中以建炎初使金被留遇害與時中爲兄弟行碑之立當在建炎紹興之際容訪足本再考之

愷悌詩石刻

民國初毀於兵舊存文廟干祿碑側正書小楷欸題前進

士孫宗閔撰序詩雖殘缺可成誦者尙多錄存之良二千石之任古無輕授化被於物則詩人流其詠道洽於民則太史傳其事故金冊綠字煥清範於日星景鐘洪銘麗馥烈於世永於鑠哉若非風望峻整韻宇夷曠集戟之祥允契瑞廷之文克協敦固民宗敷興邦教則何以爲國共理作藩於君剖竹析圭邁天子之盛會升車抗隼爲儒者之榮觀哉國家以左蜀之重厥民惟艱靈開玉壘峻邈而重複淵商綺里交會而豐蔚光自中古實稱巨防蓋王室之藩屏神壤之襟帶銀鑠發彩駕肩而作貢白狼成章敷衽而從化乃眷倡牧必資鉅賢惟庚申歲王正月帝命尙書刑曹郎隴西李公以傑操宏聳俊望彌蔚輟自分陝移鎮是邦故星鳥以進秩仍金綬而加寵錫萬鏹以辨裝巾口輻而戒路皆思召伯愛樹之謠方治復借寇君遮道之情弗允惟公儲精象緯炳靈河

三台縣志

卷二十一

五

三台新民印刷公司代印

漢含淵英而命世毓醇德而口跡秉心允塞誕節彌亮挺神鋒而洒利聳天骨以疎秀高蹈冠乎品流清暉映於當世號廟連之重器稱天球之祕寶口丹塗之印世顯而錫羨藏祕府之書德格而流慶鬱爲時棟懷茲邦良爰自撫翼螭階升名仙籙陟降天日之表徊翔雲龍之庭動造九言日宣三德舒文華國盡購東夷之金濯質清流式契南臺之詠振纓近署揚聲紫微或掌財都會漕運邦計胥邁嘉運便蕃優渥治皆稱職綱匪失舉允副僉兪之選克隆眷注之盛冠冕必澄縉紳相照啟藩斯境相映前後不待期月政敷時聽夙夜匪懈慮細民之失職口口必舉軫一物之有傷持直繩以糾奸按柔轡而惠口口口載路淑氣蒸野對囹圄寂寞稼穡豐融閉閣思過蹊田闕時兩務蘇苛而霑潤季野陽秋惟振槁而熙照坦口口之懷開招納之肅量封圻於千里謐雲屋之

萬家老安口口口口譚里詠雖使趙張並駕邵杜方軌比之同時彼有
彌著巖赫之瞻斯集議者謂闕靡遠膺異數之可竝仰方升之偉望俟
山甫之闕丹青神化扇醇風於大塊鼓庶彙於洪鈞輔闕論禹舜之景
業繼皋稷之大典茫茫九土闕矣宗閔叨服儒學久樂郡化飽聞德音
思闕頌誠不假一豎儒謏聞濫曾縱臆抉闕又念葑菲可採不遺於下
體汗潦備薦式闕詩云愷悌君子民之父母闕撰成詩二十首摠其題
曰愷悌其闕敢餘以誣辭直以撫其行事闕詠或備採詩者爾謹序闕
物有方口含天憲手提國綱實邦之翰爲民之防宵沉猶吠晨無飲羊
千古是仰昭其耿光澄俗二章章十句心如水平兮志尙清潔也我公之
心含淵濬潔挹之彌沖酌而莫竭靈府汪洋璇源瑩徹若鑑之明如井
之冽利物至柔漱芳瀾涵行業滋茂言泉洞開浸仁沐義津賢育材潤

無不灑清而不回叔度之頃公何遠哉心如水平兮二章一章十句一章
八句惠風民被賜也習習惠風施於千里吹淡民心洽茲仁理動必響
臻應如草靡泠泠四馳飄飄中起利物厚生條綱振紀鼓音填篴發馨
蘭芷獵野班春蘇萌潤圻騰茂英英揚光赫赫福介羣黎歡飛廣陌敢
繼周詩式歌召伯惠風二章一章十二句一章八句慎獨閉邪存其誠
也恐懼不覩誠慎不聞我公慎獨於斯洞分微旣莫顯隱何可云溫樹
奚問諫草自焚克謹天戒允符帝文仲舒格言許緒深旨靈懷發中神
資素履吻契洵猷踐揚前軌藹藹令名爛光青史慎獨二章一章十句
一章八句良哉協帝賚也巨望彌聳其德不回乃眷西顧賚公賢才帝
曰欽往時稱良哉乃邦之彥實民之懷飛榮驪闕進秩蘭臺銅虎分符
朱藩戒路棠郊去思潼江來暮恂恂德心汪汪軌度寬不容奸直不抵

忤煌煌發輝綽綽垂裕翊彼天聰克昌景祚良哉二章一章十一句章
十二句宜兮治民心也啟藩斯境民之宜兮令必響赴動而悅隨濬明
宣哲淑慎經彝善化郁郁羣心披披我有惇獨公則安之我有弟子公
則教之匪民之宜實天之宜匪德之基實邦之基帝典昭灼王度清夷
說命將舉慰茲羣黎宜兮一章二十句里無歎兮治頌聲也公之來矣
里無歎兮清猷濬發輿頌爭馳仁聲旁達廉風口口口口白攜手其樂如
之流轉保業其心歸之口不口響耕無隨時連衽架肩途歌巷詠邵杜
宣慈闕庭永膺休命里無歎兮二章一章十二句一章口句翼翼謹心
蒞事也克己溫溫秉心翼翼靜以保闕融沉誦淵塞言必再思動不過
則闕陽輝光日新兢莊率清純操持闕誦坐永昭臣鄰翼翼謹心二章
一章十二句千里蒸蒸口口口也闕教里閭勃興遠是効敦口崇德闕

三台縣志

卷二十一

七

三台新民印刷公司代印

心因慕之慎口口紀敦淡黎庶咸歸闕公之闕千里蒸蒸二章十句慎
口無枉也闕

馬元直開元中誥〔碑目考〕圖經云元直在唐爲滁州刺史家藏開元
中誥

梓州官寮磨巖贊〔碑目考〕唐武后時司法參軍楊炯撰在北巖僅存
十六七字

王蜀時武成經幢 石計三段清嘉道間錢塘韓小亭秦華守潼川得之
郊外移置琴泉寺詳所著無事爲福齋筆記嗣光緒壬午提學朱道然
移置省城提學署反正初邑人陸海香初留學益門告知揚州劉師培
申叔在提學署瓦礫中尋得移置國學院現存惟字跡漫滅鮮可辨識
第三石稍可認

靈護廟記碑 在雷神廟之西碑文模糊何時所豎何人所書俱無徵考
碑額篆劍南東川靈護廟記八字灼然猶存殘句可誦者附存 有吞
噬并包之心 况土地者吾所受於君 有儒者風 以自全邪 嗟
乎太保司空之志 東川之人思之爲之立廟 祀典不載將何以旌
偉績 不敢犯也奉祀以迄於今 太保被命 詎可信乎 王建率
兵二十萬 生死共之

鑑樓記碑 在雷神廟之東孫星衍寰宇訪碑錄誤指爲靈護廟記全文
見古蹟

潼川府學泮橋記碑 宋白祿撰隸書全文碑面刻宣聖像舊存尊經閣
下民國十六年改學署爲縣初中校移置大成殿內文云水與道同體
故帝王資以建學天子辟雍諸侯曰泮宮則又其等也潼川古大國學

三台縣志

卷二十一

八

三台新民印刷公司代印

視泮宮爲典前有泮水湮塞歲久乾道九年夏祿掌郡文學太守馬公
諉以濬復或謂文明之地陷缺不宜按類水之制自西而南而東三方
皆水直南當輿梁以道往徠於是卽土爲橋鑿渠通水使東西相承上
施欄礎以延波光旁列四趺以固柏植視之流貫若一凹然其缺也論
定役興畚鍤四集疏闢立就方命釘輦而馬公奉祠西歸提點刑獄何
公兼府事令未及下首圖前功若出己意卽鳩工伐石具舟運致斲鑿
扁礪雷動雲合口砌平布罔渝規畫祿適被漕檄試貢士武信暨歸則
見巍橋飛虹流水印璜風日凝瀾月星澄瑩儒學氣象頓增爽儼芹藻
青衿超然若生於千百載之上而獲游先王之庠序矣士口口古及道
非亡才非不逮也政教失軌物廢習見苟簡志氣無所發越而胥流下
也道學之妙口焉而得者深而艱感焉而得者易而樂故職教化者示

之德行寓之形器盤盂几杖有銘宮室車服有度皆所以使學者目擊心悟怡然自得也浮圖老子之居精極嚴麗猶能起人敬信矧夫水有澤物之仁清明之智流行適宜之義盈不踰節之禮進進不已之誠聖賢寄意於此義類最遠二公深明制作之本力補墜典之缺諸生入門而見古制升堂而味古書終日所從事者無非先王之舊其胸中豈不翻然有感而思自致於古人之地哉繼自今賢才輩出然後知泮水之復果益於名教也馬公名騏字德駿立朝爲中書舍人何公名熙志字忠遠立朝爲御史臺檢法官道學政事藹然俱蜀前輩其所建立可紀類如此淳熙元年六月既望門生從事郎充潼川府學教授白祿記門生迪公郎新劍州陰平縣主簿主管學事胡鼎書并篆額

劍南東川鄉賢堂記 宋朝散大夫知梓州軍州陳鵬撰碑存文廟于祿

三台縣志

卷二十一

九

三台新民印刷公司代印

碑側文缺佚不全殘句可誦者附存 多知名之士然其爲人與其功業及其文章經術行義 其接於耳目而近者 無有爲可怪也運使大夫張公留意講求於此爲久矣 嘗於州學治斯堂既成命宣德郎權教授范口承議郎僉書節度判官廳 所謂及載者 至於國朝幾千之間凡六十二人雖其所爲流品不同然以類 同出於一時口相望於千古凡是中之人其口茲堂口者口非其所自出 若是者益勸若是者知懼 張公於吾州之人 其澤可謂深矣鵬前公來使後公來守雖隸所部實爲交承 因得備本末而爲之記又得以述梓人之詠歌而爲之詞 之人已去兮逃聽風聲我懷孔切兮 爲人兮如丹青兗唯肖兮如生或桐挺而孤高 或鳧將而鶴迎使人咨嗟歎息而追惟兮 內懷勸懼兮口從使令亦瞻像兮昭昭而起福兮冥冥

潼川府儒學記碑 在千祿碑側字大三寸許體似魯公惜碑石僅存三片文亦不全然成章可誦之句甚多有嘉定八年云云是宋碑無疑矣殘文附錄學不可一日而不缺學而不缺久必壞士缺爲力也艱積荒而缺眉山任炎佐之爲教官也一口口必易之缺必新之一瓦漏必補之一不備使之備缺夫子之牆而入其門升夫子之堂而造其室缺翼翼慢易之心無自而口也豈獨宮庭壇宇則缺士之身修也亦如是嘉定八年九月太守釋菜于先聖先師退則公升堂揖諸生教授與諸生羣進曰學既賴郡侯口口口蓋記之後十有五日在泮飲酒因舉魯僖公能修泮宮之頌相與言曰周公遠矣魯之君臣口口夸而魯之禮樂猶可髮髯見而况古者聽訟於是理兵於是則夫學也者匪惟教也而政出焉雖然立政必自修身始士不可一日不修猶學不可一日不缺

三台縣志

卷二十一

十

三台新民印刷公司代印

學之不缺健者能缺之雖日月就口口士之不修掌教化者之恥也而非日月之所能就何以言之大觀四年學始有記潼以先生楊公之作公紀學之落成而及夫昔之教者必以漸熙甯中佩觿入學太常職教事責之以學不躡等必五十而後可以讀易聞之愷然終身佩之今公之記大書深刻於東廡學者之所宜誦而思也近世之學或傳習口耳或高談性命傳習口耳則無覺高談性命則缺

宋重修潼川學碑 在文廟崇聖祠外東牆下欵署迪功郎充府學教授杜口撰并書上截磨滅下截尙明朗可識有慶歷中徙置於此太守皇甫公實始基云云其爲宋碑無疑字體似蘇子瞻惜無人揚而寶之蘇易簡潼川夜渡詩碑 舊存洞門寺今已斷裂同治間邑人陳謙摹於武廟詩云清流深夜渡候吏戴星迎不見荒城色惟聞孤棹聲兩行蠟

炬靜一葉綵舟輕何處漁家火遙遙隔岸明

朱文忠公遺像 現移文廟大成殿右隅

劉甲重修文廟碑 在文廟戟門內東廊文雖漫漶其中如嘉祐迄嘉泰凡百五十餘年已七經增修不見增修日月豈皇甫所建其存惟此耶句尙琅琅可誦歎署嘉定六年府學教授任炎佐記充府學糾察文彪書知郟縣事宋孝弼篆蓋碑後刻馬載甫重修梓州廟學記文

元宣聖誕辰上壽疏碑 在崇聖祠西廊此碑陰題額也正面文已磨滅惟元至正三年字可辨歎署教授王玉麟頓首謹書又有郟縣達魯花赤等字的是元碑吳省欽尊經閣記所謂元人生日廟祀碣卽此

雙筭石 各高三尺餘宋人王克真製其一隸書甚遒勁有叙曰郡齋小庭有雙筭石峭拔可愛因作銘云貳筭昂植雙峯聳危出雲挺秀韞玉

三台縣志

卷二十一

十一

三台新民印刷公司代印

含滋重厚天與堅貞自持他山比美永代標奇左有大隸書致一居士四字其一行惟書於紹興壬申季冬八字尙可辨餘皆漫漶石現存關岳廟

張雍忠顯廟殘碑 廟在牛頭山久圯民國丁卯春耕者於山頂得石數片有開寶六年第口口口口端拱初轉工部口口口口西川轉運口口口雍訓練士卒口口口謝濤伐山木口口口賊順入口口口等字尙可辨識

臙峽 〔王士禎蜀道驛程記〕梓州東山上有蘇泉相傳坡公試茶地有人於泉側掘得小石刻題曰臙峽

白獸山石刻 〔九州要記〕白獸山與牛頭山相連秦時有白獸爲害夷人射之因刻石此山遺像尙存

舊報恩寺磨巖題名 在橫冰泉池之上或篆或行或楷非一人一時書
書多殘缺不可誦惟末一石正書大寸許略成誦其文云予與口口口
口文德進王行之將西邦人陳口口酒會李德深楊道述陳堯咨來口
口口人屬試外省萬里客也潼號東州口口勝處斯又奇矣禪坊之陰
石壁對峙口木豐草叢條疎蔓翠浮簷楹西風時來空谷震動視靜聽
遠萬籟闐寂快未始有也從容盡醉而別口山冽三泉二鑿甃以食又
疏之沼汴以玩是閱于口口根泓淳不渾充幽棲之供出處者感口口
斯乾道戊子七月口口口鶴鳴山人張口口題

淳熙丙午題名 在乾道題名之右正書文云遂甯劉彥昭馮顯之楊夢
得廣漢楊持口有謀淳熙丙午閏口月同來

嘉定己巳題名 在淳熙題名之後正書文云口口口遊口牧齊先生口

三台縣志

卷二十一

口口諸舅紀行撫事增懷口口嘉定己巳口口口口眉山李鏜

種柏記碑 在舊報恩寺外土中民國初年農人因掘土發現乃移置寺
內碑記云沙彌如初口乍出罔知道之口徑以古德機緣諭之口口此
山種柏爲生來世造道之基芽也卽說偈曰如松道者播高名種柏如
初好用心排列萬株今榜樣作成一片古口口善因善果休他覓信我
信根無外尋聽取吾言勤下手會看樑棟鬱森森至順二年辛未牛山
老人

登望川亭詩 詩係七律二首一倡一和刊報恩寺種柏記碑陰不詳作
者姓名前一首後四句畧可辨識云山暗雨來巫峽廟江流帆轉鄰王
城樓台烟樹秋光滿劇目鄉心處處生後和者上款題餞口口太保登
望川亭

舊兜率寺石壁 多宋人紀遊題名或篆或隸文多殘闕

東嶽廟古鼎 清光緒乙亥督學張之洞發策試士問潼川東嶽廟西廊一古鼎上有一蓋缺其一足鑄自何年何人足缺於何年當時知之者蓋希矣今鼎已失更無從考

潼川修城記碑 明湯虺書在城西門外數武

沈清任塔圯得經記石刻 嵌琴泉寺壁記云梓都北郭琴泉寺舊有石塔乾隆庚午春燬於火煙焰既熄土人檢視內有蠹餘經紙若干頁頃刻分散亦不之貴白華吳庶子視學來潼詢訪及此驚曰此唐人王鱣祥所書妙法蓮華經也遍搜於三臺老隸薛某家得二頁寶之而歸作文記其事命工礮石於琴泉之右記中臚在京時與錢閣學載鑿賞王書蓋錢固得之於早也余蒞郡三載訪之郡人不可得三臺博士弟子

三台縣志

卷二十一

十三

三台新民印刷公司代印

萬生智兼工歧黃術丁酉夏余抱病召來視疾忽曰生祖實見塔燬時拾得數紙今尚有存者請爲上獻余急索觀紙近澄心堂而光潔過之幅寬一尺餘烏絲精闌字畫遒勁端楷如新出墨光者蟲蛀纍纍古香鬱然直墨寶也時攝安岳令袖東徐司馬在坐相與摩挲觀覽歎曰此眞鍾王家法與靈飛經如一鼻孔出氣公得此紙可以雄宦囊矣余曰是尙可頡頏吳庶子而比美錢閣學也綿州孝廉孫生有堂亦在座同觀請曰是不可以不可記先生其爲新詞命奚童歌以侑觴可乎余曰唯是日也山光朗然涼蟬在樹新雨在沐薰風徐來於是酌美酒橫素琴小奚捧觴自磨香麝書摸魚兒詞一闋與袖東有堂盡醉紫微花下既書一帙示萬生並刊小石爲好事者一笑也 〔摸魚兒詞石刻〕鐵浮屠屏山高矗幾時劫火傾倒王家萬字蓮華藏剩有片鱗多少端正

好試認取蠹餘殘簡墨彩猶飛繞落暉斜照歎漠漠平田澌澌流水鐘鼓梵音杳

安昌巖遺石 民國六年丁巳鄉人掘土山麓得宋人和趙巖殘刻詩一絕詩云有策何如陳治安著書猶在短長間囂然不作幡然改留得一岩千古閑名署一駒字下題慶元丁巳書雲後口日護聖住山慧雄立石石角尚有老梓岩間憶挾册耕八字畧大張梓忠知事見而寶之曰此趙岩遺石也不可不存乃出官錢三百緡倡建長平山舍後一亭安徵君神主而嵌其石於壁邑人洪猷鍾問蘧并爲之記

安昌巖石室遺刻 趙岩下有洞久堙僅可通人民國戊辰二月邑人趙聘丞陸香初張聚五秉炬蛇行入洞得石室二方廣丈餘壁有石刻云淳熙丁未孟春巖房口浚都趙靜之既爲之記是月中泮攜家來遊時

三台縣志

卷二十一

十四

三台新民印刷公司代印

蒙恩將移節武信瞻此巖居之勝襄回竟日

按靜之名善譽時官潼川路提刑轉運判官文云將

移節武信卽過遂寧劾徐詡時也

夏言弔來袁先生詩 刊張來袁先生祠碑陰現存城東三角并詩云龍顏觸忤鬢成霜生死深恩感世皇一疏蕭條違瑣闥十年謫戍老瞿塘聖朝右更濮園議賈誼終沾前帝光却恨鼎湖遺詔渥壠頭松柏已蒼蒼

官閣磨崖詩 在縣北香積寺之右刻杜工部官閣詩

熙寧元年磨崖題名 在香積山正書大五寸許共十一行行六字其文云熙寧元年秋九月重陽日邑宰殿省丞許君申之與仙尉口君璟鄉貢進士牟邴同登高遊寶積寺觀杜子美詩訪官閣故址因上松徑口口泉之口邴口書崑石以記

元豐乙未題名 在熙寧題名後正書文從左向右讀共四行文曰後十二年姪安世按部過此觀叔父刻石因題於側安行同至小字書元豐己未十月二日仍題於左

淳熙乙巳題名 在香積山石壁文曰淳熙乙巳重陽宰郭嗣口尉陳德用簿張君厚邑口口子安白口之文書之口口卿表弟范叔賢講熙寧登高故事於官閣是日也天宇新霽山川開明口口口眺日至俱勝予喜造物口人復古之意相與飲酒樂甚倚丹楓望翠壁歌少陵之章客曰此邑此地以杜詩重繼自今把菊花枝醉茱萸酒百年相傳為勝賞則又以大夫重蓋不可不識也於是乎書

官閣橫額 在香積山大徑二尺端整嚴重前書淳熙乙巳上元日末書邑宰太城郭公緒書 按公緒與上郭嗣口自是一人嗣口自是一人嗣口或其字歟又金石萃編嘉定庚午石門題名有

三台縣志

卷二十一

十五

三台新民印刷公司代印

郭公緒則相距二十六年矣

紹熙癸丑題名 在香積山官閣行書字體疏秀文云邑宰資中賈宗亮同鄉人口仲虎魏祖終來遊下瞰澄江環繞縣治稠木葱蒨煙火萬家觀覽殊勝置酒閣上歌少陵之詩興盡而反不知日之既夕也紹熙癸

丑南至日

按資州志有淳熙丁未進士裴仲虎距紹熙癸丑只七年則此石所謂仲虎者當姓裴

嘉泰壬戌磨崖詩 在官閣側行書先詩後跋詩云口攀石口到層巔眼底煙林更豁然口口至今名勝境杜陵從昔友詩仙口口滅口雲千里飛鷺往來蘆一川口口比口口景象筆端何以寫天全跋云丞丁夢得簿鄧觀尉任大衍會飲於官閣酒半趙載自梓林適至因歎會合之非偶然載輒題小詩酌酒以酌少陵壬戌季秋晦日 按資州志金石類有

趙載題東巖詩斷碑則此壬戌為後嘉泰二年無疑

香積寺石刻 正書共十七行行十二字其文云縣江之南有山橫翠連
峯疊巘蔥蔚峭峙下瞰深流大類閬中之錦屏中有六寺觀曰布金曰
祇陀曰玉虛曰東寺曰南寺曰香積縣宰甯川馮公子春下車閱年吏
畏民愛庭雀可羅一日乘暇率邑丞瀘州呂楚老簿眉山程子廉尉資
中黃良卿兼監王口趙冠玉偶遊口口自布金飯罷同陞羅漢殿望口
城過宿雲洞憩萬竹亭口烏龍井步松徑造禪房啜茶觀魚于方口小
池邈迤口春江口口山誦少陵口口口口痛飲於官閣乘月而歸翌
日良卿命書使鐫石以紀勝遊楚老爲之嘉定七年甲戌孟夏初八日
也

涪城縣社壇碑 今在涪城垣石佛寺外光緒初鄉人得自沙水中碑高
八尺廣三尺字半模糊碑正中雙行書涪城縣修建社壇記八字大四

三台縣志

卷二十一

十六

三台新民印刷公司代印

寸許高出記上前半僅存公惠愛吾民及爲父母可以無媿矣句後半
云公諱綬字德裳系出於帝子博學有文詳達吏事治涪之政純用其
家譜涪人安之闕其辭曰惟民之生以食爲天曰土曰穀食之本焉秩
之祀典封爲社稷春秋祈禱口之罔極誰謂年來爲水之侵圯毀荒穢
神不來歆我侯戾止載瞻載顧矢口而言曰此先務涓吉歲事計傭度
工築之登登翼以齋宮祀事孔明自今以始大書特書以侈厥美按此
確係唐碑但年代及撰書人姓名俱漶滅不可辨

斷碑絕句 無撰書人姓名字類東坡末一章云西江吸盡廣長舌北水
打開支道林何似曾參惟一唯等閒識破本來心尾書嘉定甲申中夏
八日前半尙有不學浮鷗似剩與兒孫穩卜居十二字石存涪城垣僧
寺

宋張埴撰聖賢像碑跋 碑存涪城埴羅漢寺文云埴竊聞之世人嘗歧

視三教爲不同愚嘗謂三教本於一而吾夫子之教又天地古今漫滅

數字氏專窮性命而棄外形口老氏漫滅數字無爲似異於吾夫子漫

滅數字釋氏垂戒猶不以漫滅數字妄語爲戒夫不殺仁也不淫漫滅

數字不飲酒智也不妄言信也漫滅數字五常之道耶老子漫滅數字

曰儉不敢爲天下先又豈不合吾夫子溫良恭儉讓者耶使世之人倘能以佛老爲修身養性之具而當以吾儒爲治國平天下之本則夫子之道萬世而下豈不實高而尊歟顏淵謂堅高鑽仰之不測孟子謂自生民以來未有如孔子之盛相去百有餘年言若合符君子之倫焉可誣也埴漫尉於此日誦夫子之言服行夫子之訓久矣一日登琴堂陳大夫出示夫子聖像善本旁列顏曾漫滅數字七十二賢眞所罕見且

三台縣志

卷二十一

十七

三台新民印刷公司代印

命刻置縣庠以便後學瞻仰愚因喜聞而嘉道僅用僭書口下以移盛世之傳俾世人用意於吾道口如用力於緇黃云陳大夫漫滅數字生之子政事文章皆在及行之列又喜與學者共志焉嘉定庚辰端午日邑尉紫巖張埴跋

馬氏瘞女碑銘 在涪城埴同治中出土文漫滅不可讀涪陰鄉敦仁里六字猶存

清河張公夫人侯莫陳氏墓誌銘 墓在治西五里梁民國初耕者掘地見碑惟句多殘缺文云夫人茂族弈口實有唐甲乙之簪裾也姓侯莫陳氏河南人相州太守之曾孫臨津縣口主簿之口懿室口曾祖諱涉銀口光祿大夫使持節相州諸軍事守相州刺史上柱國蕭縣開口子口祖諱倚宣德郎守綿州昌明縣令口考諱謂徵事郎守州司倉參軍

搢紳上德士林標準煌煌纓冕馳聲赫然口夫口口口司倉參軍之長
女年二十一以令淑歸我主簿張公公口允信敏識究古今如賓之敬
益明舉按之儀允肅張之口口口口而端夫人以柔和明婉順口色進
養雞鳴而起累易星口一口口姑曰使吾口性全解姻族安和莫非新
婦口變吾及姻族也猶是壺範日茂家政日腴撫幼賤以仁事中外以
口口於佩紛悅施榮廢線續織組女工之能奉蒸口禮祀嚴口口形儀
婦道之政皆此類也及口口姑愛終身創戚噫天何不口而殲斯人靈
芝不堅口口謬乎生二男長曰政政次曰道道越在齟齬雖不及口杖
而哀過成人人口不非口夫人德至而及口後乎享年卅三會口辛酉歲
九月戊戌口口日甲申遇暴疾口梓潼之私第口張公感暉桐之獨存
悲口玉口而長訓口陽人言是歲不利附大瑩乃從龜兆別宅他地遂

三台縣志

卷二十一

十八

三台新民印刷公司代印

口其口九月丁酉廿八日甲子奉珠翠權口葬於長年之口口書敬受
請命恪紀口德籍誌陵谷之徙移使人有認識銘曰昭昭口德口兮蘭
茂馨香口柔婉明順兮孰比其芳口令範型儀兮婦道口音塵永闕兮
口夜香茫鄉貢進士秦書達撰

馮澥留題鄧園碑 在南明鎮普照寺字畫勁幹文尙全惟題跋有殘缺
文云往歲與邑尉鮮于頡彥升邑人唐占孚先同遊今十年彥升孚先
皆死予亦頻罹憂患髮白眼暗矣而園亦不甚暮晚春殘花有搖落悽
愁之態感今懷昔情不能堪忍悲書壁投筆上馬安岳馮澥長源又云
澥假守鳳翔得告歸普挈家早飯距前題六年十二月二十九後跋云
古之貴書者不獨貴其書貴其人也故先儒口口口所爲口壁斷碣
皆傳數百載特存其人耳使口口李志輩書口與右軍父子爭衡猶不

足傳也斯言諒哉樞密馮公道德文行事業聞望自是一代偉人正所謂其人之可貴者矣往歲假道南明留題鄧園字畫俱在園今爲王氏所有也主人希韓欲刊諸石請題其後沂告之曰是人也固不待書傳是書也尤不待題跋而後見言之砥口罄牙口無以謝君請姑以貴書尤貴其人者推本其意告世之君云靖康二年二月十五日迪功郎潼川口涪城縣尉趙沂謹題

唐太常博士閻邱均瑞聖寺磨崖碑 見杜田杜詩註杜甫贈閻邱僧詩青熒雪嶺東碑碣舊製存此僧卽均之孫也碑存牛頭山下

明真院井銘 一經堂集性水真空非蹇非蒙望君山脈明真院東其源一竇深不可窮其流一線逸出無踪淵澄是體濟養爲功酌焉歸去遠謝盧仝李口記趙滿書

三台縣志

卷二十一

十九

三台新民印刷公司代印

水獸沱碑 在邑北八十里威武山麓岩畔字已模糊惟宋嘉泰九年尙可辨

第四十四新婦閣氏碑 民國十七年開潼趙馬路於大坡掘出碑下截已不全上題慶元三月下款男淳甫忠甫仁甫

觀音像碑 在靈峯寺一爲唐閣立本畫一爲吳道子畫俱明萬歷辛卯年僧可辰重摹勒石

五泉寺石磴 方廣三尺餘高二尺餘旁有字數行模糊難辨惟大滄廷興丁年六字大概猶存

礁巴灘銅鐘 在香積寺上流水中光緒乙未夏大旱河流幾涸鐘現紐及頂蓋大約數圍好事者以百餘人挽之不能動

永濟橋碑 在邑東四十里碑有二字皆漶滅其一缺左右角尙有成誦

之句茲錄存之 龍頂山三里 潭水日大至 漲則怒濤拍天鼉吼
萬壑陰風忽起鬼狀百出 名曰永濟歲在丁丑夏六月廿一日百川
沸騰 頽圯不可言矣 鄉人慨前人創 之艱 往來 之役於
是發利益心 以丁丑九月 至是年季冬八日工用告畢 橫鼉跨
空 求名且記之 義不可辭 因以義濟名之去者來者不無濟無
所不濟斯可以合義乎 大元至正十一年歲在辛卯蒲祖照書丹溪
蒲炎伸撰

東坡祿壽字石刻 在治北南明鎮萬壽寺月光神座下後附董思白跋
語乃明進士張翥所刊者

東塔殘刻詩 在東山寺塔頂行書七律二章脫落過半惟起句青春結
客上東山千里江城一望間略可辨歎題邑人張正學

三台縣志

卷二十一

二十

三台新民印刷公司代印

古瓦 在甘江渠秦祖殿清光緒丙辰募資補葺殿宇於舊瓦上見 有
正統十四年孟冬月望五日瓦工杜時初造

慈恩寺碑 在邑北葫蘆溪清分縣會稽趙學潞書丹書法逼真趙松雪
又有鎮水鐵牛一具鑄自乾隆背有銘

甘棠碑 在邑東橫山子古楊家場道側康熙四十年仲冬月大果白崖
董仲富穀士民爲知州張應立文云何以爲我父一舉四賢士湮滯口
口口口來何暮何以爲我母田桑無空土張公不口口口秋待誰補
張公且能誠爲我求甘霖有求必有應歸功在太冥張公且能勤日晨
尙未寧事無論大小何一不勞心張公又能廉聽訟不愛錢勸諭直無
隱感化竟忘宣張公爲我貧張公爲我苦欲報將奈何戴之如父母
天啟磬 在邑東來儀寺內上鑄蓮經菴天啟元年鑄蓮經菴蓋來儀寺

舊名也

樂嘉場古碑 民國八年樂嘉場竹林巒岩崩碑露類橫篆文下楷書十數行俱模糊不可讀現移三聖宮

馬躍岩鎮水鐵牛 城南五里馬躍岩涪凱兩江之水合流經其下成一巨灘舟行至此稍不審慎多被攔損前清嘉慶時邑令沈昭興仿李冰作石犀誓水之例鑄鐵牛於此以鎮壓之且刻其銘於背曰維土之精上應天星厥象爲牛砥柱中流中流砥柱既庶且富富庶而康甲第綿長後水徙土數丈餘波平浪靜舟行者遂無恐至咸豐辛酉滇匪藍大順擾潼搜鐵鑄巨礮將鐵牛毀去水至今亦無患

杜甫登惠義寺詩碑 沈清任書有跋刊琴泉寺壁詩曰春日無人地虛空不住天鶯花隨世界樓閣倚山巔遲暮身何得登臨憶惘然誰能解

三台縣志

卷二十一

二十一

三台新民印刷公司代印

金印瀟灑共安禪

香積寺殘碑 民國十七年遊人於寺巖畔拾得雖有字數十已不成誦亦無年代查係碑之下截文云口口山不覺沮口口寶屏麓爲口口吟昔遊不見口口準擬先登臨口口秋普慈馮憲夫書

東川涌潭僧正顏公著碑 記慧義寺神清禪師言行甚悉禪師以唐元和中終於本寺遷神於北門蘭若卽郪城北郭碑墓今俱無存

錦江禪燈錄

劉蛻文塚碑 「舊縣志」在城南長壽寺兜率院之巖壁已漫不可搨〔舊通志〕蛻於咸通間由左拾遺謫華陰令寓居潼川年老瘞文南山有梓州兜率山文塚銘〔按〕劉蛻文冢舊說本在梓州兜率寺下而射洪亦有兜率寺遂有指文塚爲在射洪者不知蛻流寓梓州本傳既有明文而蘇子瞻送周尹之東川詩一則曰牛頭與兜率雲木蔚堆壘再

則曰舊學鄙文冢并自注曰劉蛻文冢在梓州射洪其亦可以罷爭矣
石匾 縣北百里甘江壩上連觀音崖下臨涪水石壁鑿一匾形深刻韓
城強望秦所鑿七字左刻乾隆五十三年

觀音堂斷碑 清道光時住持僧本崇於亂石內覓得明崇禎時斷碑中
有其山自高鋪鎮迤邐而來爲古觀音堂更有大雄寶殿時僧某葺而
新之等語

願果寺殘碑 係弘治七年所豎碑云此寺先有僧名繼通號寶藏者於
正統十三年過此見願果寺係古刹乃募金葺而新之卽卓錫於此
邑令陳洪緒育嬰恤嫠德政碑 邑舉人陳其珍撰碑存育嬰局內惟字
句多剝蝕文云昔岳忠武謂爲將者仁智信勇廉缺一不可嗟乎豈獨
爲將爲然哉以之平天下可也世之臨民者體此意而推行之其何政

三台縣志

卷二十一

二十一

三台新民印刷公司代印

之不立何口之不從也乎然言之口口而行之實難若口我邑侯陳公
輔臣先生育嬰恤嫠之政口其近之口口口先生爲楚南口口少時口
口口口口口忠列幕繼隨中堂曾公滌笙制府劉公蔭渠剿賊於
吳越口粵之交口功洵保口口口口口權口吾邑口口口口口
口口口心則一以愛人爲主管聞吾邑有貧不息存而棄其嬰孩及嫠
婦之口口無資而口口者因慨然有育嬰口口口口口口口口口
口口緝以爲士庶倡擇邑中公正殷實紳糧數人分口其事吾邑士民
知口口先生之清順有爲也亦咸踴躍口口口口口口口口口口
口輸出一萬八千有餘緡於是口集衆議共立章程慮置屋建堂之多
費財也口口口以總理之慮口田納稼之有口口口口口口口口口
口口之慮乳媪之不盡心乳哺也則月餼女母使自養養之卽以其貲

兼贍口口口口口口口口口口一切度支廩餼口口口口口口
口口輕必使臻於美善而後止蓋至是口口先生之願遂而口口之心
安口方其始事口口有口口口口口口恐不克竟功口口口口口口
事在人爲耳吾盡吾心有不能盡者可期諸後人奚必及吾任而樂觀
其然耶且人之欲善誰不如我安知後來宰斯邑者口口口口口口
而成吾事且更有以輔吾所不逮而益增其盛耶其風論如此可想其
忠恕之心堅定之力亦殆無一毫求名之私口口口口口口口口口
創此盛舉此特踵而行之今口口先生已銓補巴州瓜代有期而是口
口口口口口成功口事者請記口口口口口口先生慈惠之念口口口口
口之精成於智而一言既出始終不渝且肩任其勞迄於事成而不解
是則信之驗而勇之徵也口口口口口口口口口口口口口口口口

三台縣志

卷二十一

二十三

三台新民印刷公司代印

口口想見口口先生其有得於岳忠武之遺意者公因慨想其從軍時
口甲厲兵口車秣馬以一旅之衆口口口口口口口口口口口口
口口口口建立功名謂非其善於拊搆能得死士有以暗合於古人曷
克臻此使口口口先生大顯於時得竟其用焉口口口口口口口口
口口出於口口口先生之手乃竟用於州縣迄不得大展其牧民御衆
之才而僅於恤孤憐寡之微見其餘緒是則吾邑之幸而口口先生之
不幸也雖然恤孤憐寡之心卽民胞物與之心也可以宰一邑可以宰
天下行見由直牧而有道而陳口開藩統制凡有利生民口口口口
口口也斯役特其口口耳况斯役卽有以倡士民樂施好善之心而勵
後來者嘉惠元元之意所謂善與人同非與口口先生已可以無口口
口爲之記